

# Beallelačča (guoimmi) goargu (sohkanamma) ja máná goargu

Dán dieđihančálloš mitaluvvo, mainna lágiin goargu sáhtá molsašuvvat náitaleami oktavuodas. Dieđihančálloš mitaluvvo maid máná goarggus ja dan earáhuhttimis. Rávvagat leat dárkkuhuvvon sihke náitalit huvveddjiide, go sii sihttet náittoslihtu áruid dutkama, ja máná váhnemiidda.

Dieđihančálloša juhket magistráhtat sihke evangelalaš-luteralaš girku ja ortodoksalaš girkogotti searvegotti. Dieđihančálus lea almmustuhtton maid magistráhtaid fierbmiesiidduin čujuhusas [maistraatti.fi](http://maistraatti.fi). Dárkilit dieđut mávssuin, mat berrojuvvojit nammamolsumis, oážžu magistráhtain. Goarggus mearriduvvo ovdanamma- ja goargolágas (946/2017), masa sáhtá oahpásnuvvat čujuhusas [www.finlex.fi](http://www.finlex.fi).

## Beallelaččaid goargu náitalettiin

### Goas beallelaččat ferteba ilmmuhit iežaska goargoválljemis?

Náitaleaddjiguovttos ferteba ilmmuhit iežas goargoválljemis náittoslihtu áruid dutkái oktanaga, go soai sihtaba dutkama. Náittoslihtu áruid dutkan sihttojuvvo dađi várás čállojuvvon skoviin, mas lea maid báiki goargoválljema várás. Skovvi gávdno magistráhtaid fierbmiesiidduin čujuhusas [maistraatti.fi](http://maistraatti.fi). Goabbánai beallelaš seailluha iežas goarggu náittoslihtui vihaheami olis, jos náitaleaddjiguovttos eaba ilmmut goargoválljemistiska náittoslihtu áruid dutkái.

Fuomášanveara lea, ahte beallelaččat eaba sáhtá molsut iežaska goargoválljemi náittoslihtu áruid dutkama maŋjel. Jos beallelaččat dutkama maŋjel gáhtagoahtiba iežaska goargoválljema, de soai soai sáhttiba ilmmuhit dan vihaheadjái. Dalle soai goitge goabbánai seailluheaba iežaska goarggu náittoslihtui vihaheami olis.

### Ovddit beallelaččas ožžojuvvon goargu ii sáhte sirdojuvvot ođđa beallelažžii

Ovddit beallelaččas ožžojuvvon goargu ii sáhte sirdojuvvot ođđa beallelažžii goargun dehe goargooktiibiju oktan goargun. Ovddit beallelaččas ožžojuvvon goargooktiibidju maid ii sáhte sirdojuvvot ođđa beallelažžii.

### Lága miel lobálaš molssaeavttut

Beallelašguoktás leat náitalettiin njeallje válljenmolssaeavttu::

1. Goabbánai beallelaš seailluha dan goarggu, mii sus lea náitalettiinis.
2. Beallelašguovttos sáhttiba soahpat, ahte soai váldiba oktasaš goarggu dehe oktasaš goargooktiibiju. Vai goargooktiibidju sáhtá gehččojuvvot oktasažžan, goargu ferte leat seamma ortnegis goappánai beallelaččas ja goallosmearka atnu ferte leat ovttalágán. Gč. maid maŋjelis čuoggá “Oktasaš goarggu dehe goargooktiibiju váikkuhus máná gorgui”.
3. Beallelašguovttos sáhttiba soahpat, ahte nubbi sudnos ráhkada goargooktiibiju, mii ii leat oktasaš, iežas goarggus dehe iežas goargooktiibiju ovttá goarggus ja beallelaččas goarggus dehe beallelačča goarggus dehe beallelačča goargooktiibiju ovttá goarggus. Goappánai beallelaččas lea iehčanas vuoigatvuohta ráhkadit goargooktiibiju. Dat ii leat čadnojuvvo dasa, ráhkaditgo goappašat beallelaččat goargooktiibiju dehe makkár ortnegis beallelačča goargooktiibiju namat čállojuvvojit. Goargu, mii nuppi beallelažžii sirdojuvvo, galgá goitge seailut maid dan beallelaččas, geas namma sirdása. Goallosmearka atnu lea persovnnalaš válljen.

4. Beallelašguovttos sáhttiba soahpat, ahte nubbi sudnos váldá goargunis beallelaččas goargooktiibiju ovttá goarggu

### **Mii lea goargooktiibidju?**

Guovtti sierra goarggus, maid atnui olbmos lea riekti, sáhttá ráhkaduvvot goargooktiibidju. Goarggut eai sáhte ovttastahttojuvvot eanet go guokte. Goarggut ovttastahttojuvvojit goallosmearkkain dehe čállojuvvojit sierra. Goarggu ortnet ja goallosmearkka atnu ferte válljejuvvot go oktiibidju ráhkaduvvo.

### **Mii namaid sáhttá válljejuvvot oktasaš goargun dehe oktasaš goargooktiibiju oassin?**

Oktasaš goargun dehe oktasaš gorgaoktiibiju oassin sáhttá váldojuvvot goargu, mii lea nuppi beallelaččas go sihttojuvvo náittoslihtu áruid dutkan dehe mii juoppágoappás sudnos lea leamaš manjim go lea leamaš náitalkeahtesin. Dan sadjái oktasaš goargun dehe oktasaš goargooktiibiju oassin ii sáhte váldojuvvot goargu, man beallelaš lea ožžon ovddit náittoslihtu vuodul.

Goargooktiibijus sáhttet leat eanemusat guokte goarggu.

### **Oktasaš goarggu dehe oktasaš goargooktiibiju váikkuhus máná gorgui**

Jos beallelaččaguovttos leaba váldán oktasaš goarggu dehe oktasaš goargooktiibiju, de mánát, mat sudnuide riegiid, ožžot álot seamma goarggu dehe goargooktiibiju mii lea váhnenguoktás.

### **Jos náittoslihttui huvvideaddjiguovttos eaba váldde oktasaš goarggu dehe oktasaš goargooktiibiju**

Jos náittoslihttui huvvideaddjiguovttos eaba váldde oktasaš goarggu dehe oktasaš goargooktiibiju, nu náittoslihttui huvvideaddji sáhttá beallelaččas miehtama mielde ráhkadit goargooktiibiju iežas goarggus dehe iežas goargooktiibiju ovttá goarggus ja beallelaččas goarggus dehe beallelačča goargooktiibiju ovttá goarggus. Náittoslihttui huvvideaddji sáhttá beallelaččas miehtama mielde váldit goargunis maid beallelaččas goargooktiibiju ovttá goarggu.

- Vuoigatvuohta ráhkadit goargooktiibiju lea deattuhuvvon persovnnalažžan iige dat leat čadnojuvvon dasa, ráhkaditgo goappašat beallelaččat goargooktiibiju dehe man ortnegis beallelačča goargooktiibiju namat leat čállojuvvon. Namma, mii sirdojuvvo nuppi beallelaččii, galgá seailut maid dan beallelaččas, geas namma sirdása.

## **Ovdamearkkat**

### Ovdamearka 1

Beallelaččaguovttos Lindgren ja Mattila ilmmuheaba náittoslihtu áruid dutkama olis, ahte soai áiguba váldit náitalettiineaska oktasaš goarggu dehe oktasaš goargooktiibiju. Vai goargooktiibidju gehččojuvvolii oktasažžan, de goarggut galget leat seamma ortnegis goappánai beallelaččas ja goallosmearkka atnu galgá leat ovttalágán.

Molssaeavttut leat čuovvovaččat:

- Lindgren
- Mattila
- Lindgren-Mattila
- Lindgren Mattila
- Mattila-Lindgren
- Mattila Lindgren

## Ovdamearka 2

Maija Kangas ja Jussi Järvi Luoto sihtaba náittoslihtu áruid dutkama. Goappašiin lea iežas álgovuolggalaš goargu. Soai leaba ovttas soahpan, ahte Maija váldá goargooktiibiju, mii šaddá su iežas goarggus ja Jyrki goargooktiibiju ovtta goarggus.

Goargooktiibidju sáhhtá leat

- Kangas Järvi dehe Kangas-Järvi
- Järvi Kangas dehe Järvi-Kangas
- Kangas Luoto dehe Kangas-Luoto
- Luoto Kangas dehe Luoto-Kangas

## Ovdamearka 3

Maija Kangas Luoto ja Jyrki Järvi sihtaba náittoslihtu áruid dutkama. Goappašiin lea iežas álgovuolggalaš goargu. Soai leaba ovttas soahpan, ahte Maija váldá náitaleami olis goargooktiibiju, mii šaddá su iežas goargooktiibiju ovtta goarggus ja Jyrki goarggus.

Goargooktiibidju sáhhtá leat

- Kangas Järvi dehe Kangas-Järvi
- Järvi Kangas dehe Järvi-Kangas
- Luoto Järvi dehe Luoto-Järvi
- Järvi Luoto dehe Järvi-Luoto.

## Ovdamearka 4

Maija Mäki Kangas ja Jyrki Järvi Luoto sihtaba náittoslihtu áruid dutkama. Maija goargooktiibijus goargu Kangas lea ožžojuvvon su ovddit náittosguoimmistis. Maija ja Jyrki leaba ovttas soahpan, ahte Jyrki váldá náitaleami olis goargooktiibiju, mii šaddá su goargooktiibiju ovtta goarggus ja Maija goargooktiibiju ovtta goarggus.

Goargooktiibidju sáhhtá leat

- Järvi Mäki dehe Järvi-Mäki
- Mäki Järvi dehe Mäki-Järvi
- Luoto Mäki dehe Luoto-Mäki
- Mäki Luoto dehe Mäki-Luoto.

Goargu Kangas ii sáhte sirdásit Jyrkii, daningo dat lea ožžojuvvon Maija ovddit náittosguoimmis.

## Ovdamearka 5

Maija Mäki Kangas ja Jyrki Järvi Luoto sihtaba náittoslihtu áruid dutkama. Goappašiin lea iežas álgovuolggalaš goargooktiibidju. Maija ja Jyrki leaba ovttas soahpan, ahte Jyrki váldá náitaleami olis goargooktiibiju, mii šaddá su goargooktiibiju ovtta goarggus ja Maija goargooktiibiju ovtta goarggus.

Goargooktiibidju sáhhtá leat

- Järvi Mäki dehe Järvi-Mäki
- Mäki Järvi dehe Mäki-Järvi
- Luoto Mäki dehe Luoto-Mäki

- Mäki Luoto dehe Mäki-Luoto
- Järvi Kangas dehe Järvi-Kangas
- Kangas Järvi dehe Kangas-Järvi
- Luoto Kangas dehe Luoto-Kangas
- Kangas Luoto dehe Kangas-Luoto.

Maiddái Maijas lea gáržžiduvvon vejolašvuohta ráhkadit iežas, sierra goargooktiibiju Jyrki miehtama mielde Jyrki ovtta goarggus ja ovtta iežas goarggus daði lági mielde, ahte namma, mii sirdása beallelaččas, seailu goitge dännái beallelaččas (ns. seamma goarggut, muhto eará ortnegis). Jos Jyrki vállje nama Järvi Mäki ja Maija hálida eará goargooktiibiju, nu Maija sáhtta leat Mäki Kangas, Mäki Järvi dehe Mäki-Järvi.

### **Mot namma molsojuvvo?**

Eará nammamolsumat go goarggu molsun náitaleami olis ohccojuvvojit ohcamušain, mii dahkkojuvvo magistráhtii. Ohcanskovvi sihke dieđut mávssuin, mat berrojuvvojit, gávdnojit magistráhtaid ruovttusiidduin čujuhusas [maistraatti.fi](http://maistraatti.fi)

## **Máná goargu**

### **Máná goargu, go váhnemiin lea oktasaš goargu dehe goargooktiibidju**

Jos máná ilmmuhettiin váhnemiin lea oktasaš goargu dehe goargooktiibidju, mánná oažžu álot váhnemiiddiska oktasaš goarggu dehe goargooktiibiju.

Vai váhnemiid goargooktiibidju gehččojuvvollii oktasažžan, goarggut fertejit leat seamma ortnegis goappánai beallelaččas ja goallosmearkka atnu galgá leat ovttalágán.

### **Máná goarggu válljen, go váhnemiin lea eará goargu**

Jos váhnemiin, geat leaba gaskavuođa náittosdilis, máná nama ilmmuhanmuttos ii leat oktasaš goargu, váhnemiin lea riekti válljet goappá váhnema goarggu mánná oažžu. Mánnái sáhtta válljejuvvot maid goargooktiibidju, mii šaddá váhnemiid goargguin.

Jos mánná riegáda náittoslihtu olggobealde ja áhččivuohta lea nannejuvvon, máná váhnemat sáhttiba válljet goappá váhnema goarggu mánná oažžu (gč. maŋnelis: “Mánná oažžu su riegádahtán váhnema goarggu” ja “Máná goarggu molsun nuppi váhnema goargun”). Mánnái sáhtta válljejuvvot maid goargooktiibidju, mii šaddá su váhnemiiddiska goargguin.

Máná goargun dehe goargooktiibiju oassin sáhtta válljejuvvot goargu, mii váhnemiin lea dalle, go máná namat ilmmuhuvvojit álbmotdiehtovuogádahkii.

### **Válljenvuoigatvuođa gáržžideapmi, go váhnemiin lea eará goargu**

Váhnemat eaba goitge sáhte válljet máná goarggu dalle, go váhnemiin lea oktasaš fuolahusas oktasaš vuolleahkásaš mánná, muhto maŋnel riegádan mánná oažžu seamma goarggu dehe goargooktiibiju go mii lea su oappáziin.

### **Máná goargu, go mánás lea dušše okta váhnen**

Jos mánás lea su nama ilmmuhettiin okta váhnen, nu mánná oažžu dán goarggu dehe goargooktiibiju.

## **Eará dilit**

Eará go bajábealde daddjojuvvon diliin máná goargun sáhtta válljejuvvot juoppágoappá váhnema goargu dehe váhnemiid goargguin ráhkaduvvon goargooktiibidju. Jos váhnemis lea goargooktiibidju, nu mánná sáhtta dáin dáhpáhusain addit:

- 1) váhnema goargooktiibidju dakkáražžan
- 2) váhnema goargooktiibidju okta goargu dakkáražžan dehe ovttahttojuvvon nuppi váhnema gorgui dehe nuppi váhnema goargooktiibidju ovttá gorgui.

## **Máná goargu, go váhnemiin lea riikkaidgaskašáš oktavuohhta**

Ovdanamma- ja goargolága 6 §:a 5 momeantta mielde mánnái sáhtta válljejuvvot váhnema dehe ádjá/áhku namas daid goappašiid goargguin ráhkaduvvon goargu dehe goargooktiibidju, jos váhnemis lea riikkavulošvuodas, náittoslihtus dehe eará daidda buohtastahtti ášši vuodul oktavuohhta vierroriikii ja váhnemiid ilmmuhan goargu dávista dán riikkas čuvvojuvvon nammageavadii.

## **Goas ja mot válljen ferte dahkkojuvvot?**

Máná goargu ferte ilmmuhuvvot golmma mánu siste máná riegádeamis magistráhtii dehe dan evangelalaš-luteralaš girku dehe ortodoksalaš girkogotti searvegoddái, man lahttun mánná laktojuvvo.

## **Máná goargu dalle, go váhnemat eaba daga ilmmuhusa**

Jos váhnemat eaba daga ilmmuhusa máná goarggus mearreáigge rádjái, magistráhta sádde fuolaheaddjái ávžžuhusa ilmmuhangeatnegasvuodá deavdima várás. Jos ilmmuhangeatnegasvuohhta ii leat devdojuvvon govttolaš áiggi siste ávžžuhusas, mánná oažžu su riegádahttan váhnema goarggu.

## **Mánná oažžu su riegádahttan váhnema goarggu**

Mánná oažžu su riegádahttan váhnema goarggu, jos váhnenvuohhta ii leat nannejuvvon dalle, go máná ovdanamat ja goargu ilmmuhuvvojit álbmotdiehtovuogádahkii. Máná goargu sáhtta váhnenvuodá nannema maŋnel molsojuvvot ohcamušain váhnema goargun nuvtta.

## **Gii mearrida máná goarggus?**

Máná goarggus mearrida máná fuolaheaddji. Go váhnemat leaba ovtta máná fuolaheaddjit, de soai ovtta mearrideaba máná goarggus. Jos váhnemat eaba leat ovtta máná fuolaheaddjit, lea máná fuolaheaddjis dehe fuolaheaddjiguovttos riekti mearridit goappá váhnema goarggu mánná oažžu.

## **Ovdamearkkat**

### **Ovdamearka 1**

Maija Mäki ja Jussi Mäki, geat leaba gaskavuodá náittoslihtus, oažžuba máná. Máná goargu lea Mäki.

### **Ovdamearka 2**

Virtanen ja Linden oažžuba oktasaš máná. Sudnos ii leat oktasaš goargu dehe goargooktiibidju, nu ahte soai sáhttiba válljet mánnái goarggu dehe goargooktiibidju. Mánnái sáhtta válljejuvvot goargun dehe goargooktiibidjun

- Virtanen
- Linden

- Virtanen-Linden
- Linden-Virtanen
- (Virtanen Linden)
- (Linden Virtanen)

### Ovdamearka 3

Liisa Laakso ja Niilo Niemi, geat leaba gaskavuoda náittoslihtus, oažžuba nuppi oktasaš máná. Máná goargu lea Niemi, daningo váhnenguovtto vuosttaš oktasaš máná goargu lea Niemi ja máná lea sudno oktasaš fuolahusas.

### Ovdamearka 4

Leena Ranta ja Mikko Lehti orruba orrunlihtus ja oažžuba oktasaš máná. Mikko dovddasta áhččivuoda ja magistráhta nanne Mikko áhččivuoda. Máná sáhtta oažžut eatni goarggu Ranta dehe áhči goarggu Lehti. Dán dáhpáhusas máná sáhtta oažžut maid goargooktiibiju hámis Ranta Lehti dehe Ranta-Lehti dehe Lehti Ranta dehe Lehti-Ranta.

### Ovdamearka 5

Leena Ranta Lahti ja Mikko Lehti Kangas leaba gaskavuoda náittoslihtus ja oažžuba oktasaš máná, mii lea goappašiid vuosttaš. Molssaeavttut máná goargun dehe goargooktiibidjun leat čuovvovaččat:

Ranta Lahti dehe Lehti Kangas dehe Ranta, Lahti, Lehti dehe Kangas dehe Ranta Lehti dehe Ranta-Lehti dehe Ranta Kangas dehe Ranta-Kangas dehe Lahti Lehti dehe Lahti-Lehti dehe Lahti Kangas dehe Lahti-Kangas dehe Lehti Ranta dehe Lehti-Ranta dehe Lehti Lahti dehe Lehti-Lahti dehe Kangas Ranta dehe Kangas-Ranta dehe Kangas Lahti dehe Kangas-Lahti.

### Ovdamearka 6

Somalialas riegádan bearraša máná goargu šaddá áhči námas Abdullahi ja ádjá namas Yussuf. Váhnemat sáhttiba ánnas hálidettiinaska välljet maid goarggu suomelaš nammavuogádaga mielde.

Áhči goargu: Yussuf Isse, ovdanamma: Abdullahi

Máná: Abdullahi Yussuf

### Ovdamearka 7

Islánda olbmo goarggu čujuheaddji namman doaibmá váhnema vuosttaš ovdanamas ráhkaduvvon bártne čujuheaddji son-loahppasaš dehe nieidda čujuheaddji dóttir-loahppasaš namma. Jos islánddalaš dehe belohakkii islánddalaš bearrašis lea orunbáiki Suomas, máná váhnemat sáhttiba ieža mearridit, atnibago soai suomelaš árbašuvvi goargovuogádaga vai islánddalaš maŋnenammavuogádaga, mii vuodđuduvvá váhnema ovdanami. Jos soai hálideaba atnit suomelaš goargovuogádaga, dalle islánddalaš áhči ja eatni namat, omd. Sveinsson ja Magnúsdóttir, dulkojuvvojit dakkáražžan buolvvas nubbái árbašuvvi namman. Váhnemat sáhttiba välljet, goappá nama dehe goappá dáin ráhkaduvvon oktiibiju soai hálideaba atnit, jos välljeba suomelaš vuogádaga vai addibago mánáide namaid áhči ja eatni ovdanamaid vuodul islánddalaš vuogádaga mielde.

Áhčči: Anton Sveinsson

Eadni: Lára Magnúsdóttir

Bárdni: 1. Antonsson 2. Láruson

Nieida: 1. Antonsdóttir 2. Lárudóttir

### **Máná goarggu molsun nuppi váhnema goargun**

Jos mánná lea ožžon su riegádahttán váhnema goarggu, go váhnemiin ii leat leamaš oktasaš goargu, go mánná lea riegádan iige váhnenvuohta lean nannejuvvon iige merkejuvvon álbmotdiehtovuogádahkii, de mánná goargu sáhtta váhnenvuođa nannema maŋjel molsojuvvot nuppi váhnema goargun.

### **Gii mearrida mánná goarggu molsumis?**

Go váhnemat leaba ovtta mánáska fuolaheaddjit, de soai mearrideaba ovtta mánná goarggu molsumis mánná váhnema goargun. Jos váhnemat eaba leat ovtta mánáska fuolaheaddjit, lea mánná fuolaheaddjis dehe fuolaheaddjiguovttos riekti mearridit mánná goarggu molsumis.

### **Máná iežas miehtan**

Go mánná lea deavdán 12 jagi, de su goarggu molsumii dárbbášuvvo su iežas miehtan. Vuolleahkásaš ovdanamma dehe goargu maid ii sáhte molsojuvvot 12 jagi nuorat mánná dáhtu vuostá, jos son lea nu ovdánan, ahte su iežas dáhtui sáhtta giddejuvvot fuomášupmi. Dán dihte maid 10 jagi deavdán mánná miehtan gáibiduvvo, jos mánná oaivila čilgehusas spiehkasteapmi ii leat earenoamáš ágga.

Ovdamearka

Tarja Vuori oažžu mánná ja Kari Koski dovddasta áhččivuođa. Go mánná namat ilmmuhuvvojit álbmotdiehtovuogádahkii, magistráhta ii vel leat dohkkehan áhččivuođa dovddasteami. Ná mánná oažžu eatnis goarggu Vuori. Go magistráhta lea dohkkehan áhččivuođa dovddasteami ja áhččivuohta lea ná váfistuvvon, de mánná goargun sáhtta ohcamušain molsojuvvot áhči goargu Koski. Mánná goarggu sáhtta dán dáhpáhusas molsojuvvot maid goargooktiibidjun juogo Vuori Koski dehe Vuori-Koski dehe Koski Vuori dehe Koski-Vuori.

### **Máná goarggu molsun váhnemiid oktasaš goargun dehe goargooktiibidjun**

Vuolleahkásaš mánná goargu sáhtta molsojuvvot su váhnemiid oktasaš goargun dehe goargooktiibidjun.

Go mánná lea deavdán 12 jagi, de su goarggu molsumii dárbbášuvvo su miehtan. Vuolleahkásaš ovdanamma dehe goargu ii maid sáhte molsojuvvot 12 jagi nuorat mánná dáhtu vuostá, jos son lea nu ovdánan, ahte su iežas dáhtui sáhtta giddejuvvot fuomášupmi. Dán dihte maid 10 jagi deavdán mánná miehtan gáibiduvvo, jos mánná oaivila čilgehusas spiehkasteapmi ii leat earenoamáš ágga.

### **Máná goarggu molsun su váhnemiiddiska ja dán beallelačča oktasaš goargun dehe goargooktiibidjun**

Jos vuolleahkásaš mánná váhnen lea náitalan dehe registreren bárragaskavuoda ja beallelaččat leaba váldán oktasaš goarggu dehe goargooktiibiju, beallelaččat sáhtta soahpat, ahte mánná oažžu sudno oktasaš goarggu dehe goargooktiibijus.

Go mánná lea deavdán 12 jagi, de su goarggu molsumii dárbbášuvvo su miehtan. Vuolleahkásaš ovdanamma dehe goargu ii maid sáhte molsojuvvot 12 jagi nuorat mánná dáhtu vuostá, jos son lea nu ovdánan, ahte su iežas dáhtui sáhtta giddejuvvot fuomášupmi. Dán dihte maid 10 jagi deavdán mánná miehtan gáibiduvvo, jos mánná oaivila čilgehusas spiehkasteapmi ii leat earenoamáš ágga.

Jos mánná lea maid nubbi fuolaheaddji, dát galgá dasa lassin addit miehtama mánná goarggu molsumii.

## **Mot máná goargu molsojuvvo?**

Máná goargu molsojuvvo nu ahte das dahkkojuvvo ohcamuš magistráhtii. Máná goarggu molsun lea bajábealde daddjojuvvon dáhpáhusain nuvtá. Ohcanskovvi gávdno magistráhtaid fierbmesiiddus čujuhusas [maistraatti.fi](http://maistraatti.fi).

## **Ráddjehusat, mat gusket vuolleahkásačča nama molsuna**

Vuolleahkásačča nama molsun ii almmá earenoamáš ákka haga sáhte dohkkehuvvot, jos máná ovdanamma ja gaorgu lea molsojuvvon golmma háve ovdal go son deavdá 12 jagi.

Mánán goarggu molsun ii almmá earenoamáš ákka haga sáhte dohkkehuvvot, jos molsun doalvvulii dasa, ahte máná nammaoktavuohta goappánai váhnemii boatkanivččii dehe dasa ahte bearraša vuolleahkásaš dievasoappážiin livčče sierra goarggut.

Máná goargu sáhtta molsojuvot váhnema goargun máná jápmima maŋjel dušše, jos váhnenvuohta lea dovddasteami bakte váfistuvvon easka dan maŋjel, go mánná lea jápmán.